



ATASSUT

UPA14/121-1

Gerhardt Petersen

20.03.2014

Uunga siunnersuut: Akileraaruserinermik ingerlatsineq pillugu Inatsisartut inatsisaata allanngortinneqarneranik Inatsisartut inatsisaat nr. xx, xx 2014-imeersoq.

(Aningaasaqarnermut Nunamullu Namminermet Naalakkersuisoq)

Akileraaruserinermik ingerlatsineq pillugu Inatsisartut inatsisaata allanngortinneqarnissaanik siunnersuut ATASSUT-mit imaattumik oqaaseqarfigissavarput:

Nunatsinni akileraartarnermik aaqqissuussisimanerput pisariitsuullunilu pisussaaffittai naammassiuminartunnguugaluarpud, taamaattorli inuttut ataasiakkaatut suliffeqarfittullu pisussaaffitsinnik naammassinninnartarnerput naammaginartumik naammassisinnaasarsimannginnatsigu allaffissornikkut annikinngitsumik pisarissersuisitsisarpugut.

ATASSUT-mit orniginerpaagaluarpud inuiaqatigiinni innuttaasut suliffeqarfiillu tamatta pisussaaffitsinnik ilikkaannassasugut, taamaattoq tamanna naammassimarpasinngilaq, taamaammat iluaqutaassappat inuttut suliffeqarfittullu pisussaaffitsinnik isumaginnilluarnerulernissatsinnut matumani siunnersuutigineqartoq akuerseqataaffigissallugu piareersimavugut.

Tamatuma saniatigut nunanik allanik suleqateqartarnitta annertusiartuinnartup ilutigisaanik pisortat paasissutissanik avitseqatigiittarnerannik nunatta pisussaaffeqarnera annertusiartussammat pissusissamisoorpoq inatsisitigut sinaakkutaasut naleqqussarsimanissaat.

Immaqa allamut sangunerussagaluartoq pingaaruteqarmalli nunatsinni allaffissornikkut pisariillisaanissaq Naalakkersuisut innuttaasunik ataatsimiisitsineranni Katuami qanittunnguakut pisumi Aningaasaqarnermut Naalakkersuisup saqqummiuppaa Savalimmiuni akileraartarnikkut aaqqissuussineq pisariinneragaasoq aammalu tamatuma malitsigisaanik Savalimmiuni innuttaasut suliffeqarfiillu akiitsoqannginneragaallutik, Naalakkersuisoq qinnuigissavarput aaqqissuussineq



ATASSUT INATSISARTUNI

taamaattoq isumassarsiorfigalugu nunatsinni nutaamik aqqissuussisoqarnissaa
siunnerfigineqarnersoq?

Taamatut oqaaseqaateqarluta siunnersuut taamatut iluseqartillugu akuersaarneqassasoq ATASSUT-
mit inassutigissavarput.